



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Broj: 02-45-11403/21

Zenica, 14.06.2021. godine

PREDMET: Poziv na 19. sastanak Privrednog savjeta

Poštovani,

zadovoljstvo nam je pozvati Vas na 19. sastanak Privrednog savjeta koji će se održati u **utorak, 15.06.2021. godine u 13:00 sati u sali za sastanke na II spratu Gradske uprave Zenica.**

Dnevni red sastanka:

1.	Zapisnik sa 18. sjednice Privrednog savjeta
2.	Informacija o BFC recertifikaciji
3.	Informacija o Javnom pozivu za dodjelu podsticajnih sredstava u oblasti privrede za 2021. godinu na području Grada Zenica
4.	Informacija o Javnom pozivu poslovnim bankama za plasman kreditne linije uz subvencionisanje dijela kamatne stope za privredne subjekte koji posluju na području Grada Zenica
5.	Potencijalni JPP
6.	Razno

f.



Fuad Kasumović

GRADONAČELNIK

ZAPISNIK

sa 19. sastanka Privrednog savjeta Grada Zenica

održanog 15.06.2021. godine u maloj sali Grada Zenica (II sprat), Trg BiH br. 6., Zenica, sa početkom u 13,00 sati.

Sastanku su prisustvovali:

1. Predsjedavajući Privrednog savjeta, gradonačelnik Fuad Kasumović;
2. Amra Mehmedić, pomoćnica Gradonačelnika za privredu i upravljanje razvojem;
3. Maša Škrbić, Stručna saradnica za marketing, promociju i investicije;
4. Mirsad Heleg, savjetnik gradonačelnika za prostorno uređenje;
5. Bojana Primorac, Pomoćnica Gradonačelnika za urbanizam, imovinsko-pravne, geodetske poslove i katastar;
6. Senad Pašalić, Direktor Zeničke razvojne agencije ZEDA d.o.o. Zenica;
7. Mladen Perić, Pero d.o.o. Zenica/Udruženje poslodavaca Zenica;
8. Damir Begić, „ALMY“ d.o.o. Zenica;
9. Senad Džanić, Club 072-Zenica;
10. Vukica Marjanović-Suljić, Predstavnik udruženja (advokat);
11. Hajrudin Mehić, Pravnik u preduzeću „Ekor-komerc“ d.o.o Zenica;
12. Vladimir Franjić, vlasnik Meridijan d.o.o Zenica/Udruženje poslodavaca Grada Zenica;

Sastanku nisu prisustvovali:

1. Jasmin Baručija, direktor Glovis d.o.o. Zenica;
2. Senaida Turkić, Aksa d.o.o. Zenica/Udruženje poslodavaca Zenica;
3. Jusuf Kravić, Direktor kompanije Ze-Steel Zenica;
4. Fahrudin Šahmanija, direktor „Femettal“ d.o.o. Zenica;
5. Edin Šarić, Savez izviđača grada Zenica;
6. Benjamina Šaranović, Sekretar Udruženja poslodavaca Zenica.

Na samom početku, predsjedavajući Privrednog savjeta, gradonačelnik Fuad Kasumović, pozdravio je prisutne i zahvalio se na dosadašnjoj saradnji, te prije prelaska na dnevni red, upoznao prisutne u vezi nekoliko novih aktivnosti Gradske uprave budućih javno privatnih partnerstava, i to:

- Grad Zenica je pripremio nekoliko projekata: Podzemne garaže na Trgu Alije Izetbegovića i Trgu BiH, Projekat Autobuske stanice, za koje će jako brzo biti raspisani tenderi;
- U završnoj fazi je master plan Poslovne zone Jug, za koju su zainteresovana četiri investitora sa idejom da prave velike trgovačke lance;
- Projekat s Arapima je trenutno na čekanju, sve aktivnosti su obustavljene u aprilu mjesecu 2021. godine, zbog pandemije corona virusa;
- Projekat „Žičara“ je također završen, a prezentacija istog će biti predstavljena na narednoj sjednici Gradskog vijeća;
- Na jednom od narednih Sjednica Gradskog vijeća planirana je prezentacija Projekta „Gradskih bazena“, za koji također tražimo investitora. Ovaj projekat bi trebao biti JPP;

- Obzirom na brojna interesovanja za HE Janjići Gradonačelnik je prisutne da se s tim u vezi mora uraditi sve zakonito i da on kao Gradonačelnik mora štititi Grad i gradski budžet. Također je istakao da je 2013. godine Gradsko vijeće donijelo Odluku o izgradnji HE Janjići, na osnovu koje je Vlada Federacije donijela Odluku u maju 2013. godine da se daje koncesija Elektroprivredi BiH. Nakon te Odluke Elektroprivreda BiH ulaže brojna sredstva na izgradnju projektne dokumentacije;
- Gradonačelnik je zamolio privrednike da se prijave na javne natječaje i da bi jako volio da domaće firme dobiju naredne tendere. Raspisan je tender za Trg rudara a jako brzo ide isti za Projekat Gradske vijećnice koji će biti 22 miliona KM, za od prilike 20-tak dana;
- Gradonačelnik je napomenuo da je grad zadužen sa 64 miliona KM, dok je do sada vraćeno 25 miliona KM, a 5 miliona je uloženo u gradsko grijanje;
- Uspjeh rada Gradske uprave je svakako što se uspjelu u namjeri spajanja sela sa gradom, ceste su asfaltirane, a dosta ljudi sa sela silazi u grad na posao;
- Rekonstrukcija gradskih ulica je planirana narednih dana, izvođač radova počinje s rekonstrukcijom Masarykove ulice;
- ASA Grupacija želi da kupi zemljište u Omladinskom naselju u Nemili, kako bi napravili mljekaru, te se Grad planirao odreći 4 miliona KM iz budžeta, kako bi se u Nemili napravio izlaz na autoput, a to je svakako dogovoreno s Autocestama;
- Raspisan je tender za projekat „Most“ u Blatuši;
- S EBRD-om je putem zooma dogovoreno da se Gradu dat zeleni kredit (0,05 %), koji bi služio za nabavku plinskih i električnih autobusa. Raspisat će se tender i koja kompanija prođe na tenderu dobit će kredit od EBRD-a, a rok rješavanja će biti 3 godine. Javni prijevoz se mora dići na nivou u gradu;
- Naredno preduzeće koje ima sudbinu Zenicatransa su JP „Apotheke“ Zenica, jer godinama posluju negativno. Novac iz gradskog budžeta se neće izdvajati za propala preduzeća. Grad Zenica je na taj isti način prestao finansirati NK „Čelik“;
- Gradonačelnik je istakao da se od naplate parking mjesta u gradu Zenici može ostvariti veliki prihod. Na Trgu BiH imamo 1.200 parking mjesta, i kada se izračuna to je oko 9.000,00 KM prihoda dnevno.

Na kraju svog izlaganja, Gradonačelnik je dao riječ Amri Mehmedić i zamolio je da nastavi voditi sastanak Privrednog savjeta.

Amra je pozdravila prisutne, te ih upoznala sa Dnevnim redom, kako slijedi:

1. Zapisnik sa 18. sjednice Privrednog savjeta,
2. Informacija o BFC recertifikaciji,
3. Informacija o Javnom pozivu za dodjelu podsticajnih sredstava u oblasti privrede za 2021. godinu na području Grada Zenica,
4. Informacija o Javnom pozivu poslovnim bankama za plasman kreditne linije uz subvencionisanje dijela kamatne stope za privredne subjekte koji posluju na području Grada Zenica,
5. Potencijalni JPP,
6. Razno.

Ad. 1

Nakon što je pročitan dnevni red, prisutni nisu imali primjedbi, te je isti usvojen.

Gospođa Vukica Majrijanović-Suljić je zamolila da na početku odmah izvijesti sve prisutne o provođenju Zaključka sa 18. sjednice Privrednog savjeta koji se ticao organizacije Čimburijade. U Zaključku je stajalo da se u roku od 7 dana organizuje sastanak sa predstavnicima Službe za boračko-invalidsku i socijalnu zaštitu Grada Zenica, na kojem su predstavnici Foruma dostavili Koncept organizacije Čimburijade.

Sastanak je održan 29.01.2021. godine na kojem su prisustvovali Sumea Mujkanović i Zijad Imamović ispred Gradske uprave, dok su ispred Foruma građana sastanku prisustvovali Vladimir Franjić i Faruk Kadrić. Predstavnici Foruma građana su na gore pomenutom sastanku dostavili Koncept organizacije Čimburijade, kako je prethodno dogovoreno, tek su donešene dvije tačke koje je gospođa Marijanović-Suljić prezentirala Privrednom savjetu:

1. Zaključak - da Forum građana podnese inicijativu sa prijedlogom da se Čimburijada uvrsti u budžet Grada Zenica, prvenstveno iz razloga jer se ista održava prvog dana proljeća, 21.3. dok se Javni pozivi za dostavu projekata objavljuju nakon završetka manifestacije.
2. Zaključak - da se informacije o održavanju manifestacije Čimburijade stave na preliminarnu listu nematerijalne kulturne baštine te oblikuju u projekat sa kojim bi se apliciralo na Javni poziv za dodjelu finansijskih sredstava iz budžeta Grada za podršku NVO. Taj Javni poziv je objavljen 18.05.2021.godine na web stranici Grada Zenica i Forum je aplicirao na isti sa projektom Čimburijade i još uvijek se čekaju rezultati.

Gospođa Vukica je zamolila Privredni savjet da se očituje po ovim Zaključcima.

Gradonačelnik je podržao manifestaciju Čimburijade i zamolio da se najprije odrede svi bitni datumi za Grad Zenicu. Sve manifestacije slične Čimburijadu Grad planira organizirati na najboljem mogućem nivou. Istakao je da se mora dostaviti plan organizacije Čimburijade, za koji će dalje biti delegirane resorne službe i organizacioni tim.

Također je dao na znanje da je rad ugostiteljskih objekata produžen do 02:00 sata ujutro, kako bi se grad „oživio“ poslije pandemije corona virusa. Svakako je planirana organizacija Mini Summer Festa, kako bi građani Zenice uživali u raznim događajima i kulturnim manifestacijama u našem gradu.

Zaključak

-  Dostaviti inicijativu i plan organizacije Manifestacije Čimburijada, prema Službi za boračko-invalidsku i socijalnu zaštitu kako bi se ista uvrstila u budžet Grada Zenica.

Ad. 2

Pomoćnica Gradonačelnika, Amra Mehmedić informisala prisutne o jako bitnoj stvari, a to je BFC recertifikacija Grada Zenica, na što je, kako je istakla Grad jako ponosan. Naime, rezultati su mnogo bolji nego prošli put, 98% je ispunjenost kriterija, što znači da ono što je zadnje dvije godine urađeno na čelu s gradonačelnikom, Fuadom Kasumovićem itekako vidljivo. Istakla je rad kolegice Bojane Primorac koja vodi Službu za urbanizam. Služba je u zadnjoj godini riješila veliki broj otvorenih predmeta, tj cca 800 nedovršenih predmeta su sveli na 40. BFC i LIFE

projekat su nametnuli rokove kako bi administracija efikacije radila, što se vidno osjetilo u svim službama.

Gradonačelnik je želio izvijestiti učesnike Privrednog savjeta da je ojačana Služba za inspekcijske poslove, gdje se kontinuirano vrše aktivnosti za koje su inspektori dužni svakodnevno izvještavati Gradonačelnika. Naglasio je da se ovo sve čini kako bi Zenica bila Evropski uređen grad. Grad Zenica trenutno upošljava preko 20 inspektora.

Vladimir Franjić je tražio pojašnjenje za zgradu koja je izgrađena u Ulici Talića brdo, jer smatra da je ista dobila više spratova nego što je odobreno (7 je odobreno a izgrađeno je preko 10 spratova). Gradonačelnik je zamolio da resorne službe provjere gore navedeno i obavijeste Privredni savjet o istom.

Gospodin Begić je zamolio da se ispita gradnja 4 dodatna sprata na gradnji zgrade „Terase“, jer ima informaciju da su isti nelegalno izgrađeni.

Amra Mehmedić je kazala kako su sve službe bile uključene u proces certifikacije Grada. Prvi put je Grad certificiran sa 86%, a sada sada 98% što je do sada najbolji rezultat neke općine ili grada. Najviše su učestvovala Služba za privredu i upravljanje razvojem, Služba za ekologiju, komunalna poslove i mjesne zajednice te Agencija ZEDA, a u narednom periodu je planirana izrada Strategije Grada Zenica. Amra je istakla da je web stranica Grada jako ažurna i da se na njoj nalaze sve potrebne informacije i to se putem BFC-a i prepoznalo. U narednom periodu će Grad nastaviti da radi ambiciozno i da ostvaruje još bolje rezultate.

Zaključak:

- * Zadužuje se Služba za urbanizam da ispita izgradnju zgrade u Ulici Talića brdo i zgrade "Terase" i o istome izvjesti Gradonačelnika i predstavnike Privrednog savjeta.

Ad. 3

Amra Mehmedić je izvijestila prisutne da se prošle godine nije raspisivao Javni poziv za dodjelu finansijskih sredstava u oblasti privrede, obzirom da je bio pad prihoda u gradskom budžetu.

Valdimir Franjić je zamolio da se Privrednom savjetu dostavi Pregled Kapitalnih investicija Grada Zenica, te Plan prioritetnih projekata, kako je definisano tačkom 3.5 u BFC Kriterijima. Također je zamolio da se lista kapitalnih ulaganja prati kontinuirano te o tome izvještaja Privredni savjet.

Amra Mehmedić je objasnila da Grad Zenica ima jako dobro ažuriranu web stranicu (www.zenica.ba) i tu se nalaze sve informacije koje se tiču planova i aktivnosti koje provodi Grad.

Gospodin Franjić se nadovezao na gore iznešeno i rekao da on nije bio uključen u izradu posljednjeg Plana Kapitalnih investicija, dok je za period 2017.-2019. godinu i sam pisao plan, a Komisija koja je formirana od strane Gradonačelnika je razmotrila, bodovala i nikada nije dostavila Izvještaj o usvojenim tačkama. S tim u vezi, zamolio je da mu se dostave prethodni Izvještaji i da u budućnosti članovi Privrednog savjeta budu uključeni u sve procedure.

Amra Mehmedić je kazala da se na jednoj od Sjednica Gradskog vijeća razmatrao Plan prioriternih projekata za 2021. godinu i isto će biti dostavljeno svim članovima Privrednog savjeta. Jedini kriterij koji nije ocijenjen i nije dobio dovoljan broj bodova prilikom BFC recertifikacije je Izvještaj o realizaciji Strategije na čemu trenutno Grad radi. Proces je iniciran, situaciona analiza je u pripremi, i svi će dobiti priliku da daju svoje komentare, prijedloge i sugestije, dok samog izvještavanja nije bilo. Tim za provedbu je bio u raskoraku s vremenom između važeće strategije i procesa revizije strategije koji još uvijek nije okončan. Zajedno sa Strategijom razvoja ZDK 2021-2027. godina Grad radi svoju Strategiju koja će biti usklađena, a Plan za 2021. godinu koji je usvojilo Gradsko vijeće, bit će dostavljen članovima Privrednog savjeta.

Amra Mehmedić je izvijestila sve prisutne da je Javni poziv za dodjelu podsticajnih sredstava u oblasti privrede za 2021. godinu na području Grada Zenica priveden kraju. Naime, iz gradskog budžeta je izdvojeno 200.000,00 KM, i 100.000,00 KM za banke. Zamolila je sve prisutne da se zajedničkim snagama izbere kako bi se naredne godine ova sredstva povećala.

Ovogodišnji Javni poziv obuhvatao je dvije Mjere, za postojeće firme a druga za Start-up preduzeća. Za Mjeru 1 pristiglo je 76 prijava, za koju je izdvojeno 100.000,00 KM, a 53 prijave su zadovoljile sve formalno pravne uslove, dok je 28 firmi dobilo podsticajna sredstva. Svih 28 korisnika koji će zajedno dobiti 100.000,00 KM izdvojiti će dodatnih 300.000,00 KM svojih vlastitih sredstava, što znači da firme itekako ulažu, nabavljaju novu opremu, te je svaka nova mašina je rezultat jednog radnog mjesta.

Za Start up preduzeća koja su obuhvatala Mjeru 2 Grad je zaprimio 69 prijava. 57 prijava je zadovoljilo formalno pravne uslove, dok je 31 prijava odobrena za podsticaj. Od njih 31, 7 preduzeća će biti osnovano kao d.o.o., a 24 će se registrovati kao obrti. U Komisiji za odabir su bili predstavnici Udruženja privrednika, predstavnici Agencije ZEDA i predstavnici Grada Zenica. Za drugu mjeru je održana i edukacija polaznika, što znači da su rezultati itekako vidljivi, te nije bilo zloupotrebe budžetskih sredstava.

Plan je da se naredne godine iznos za subvenciju poveća kako bi se pružila podrška za otvaranje što više preduzeća.

Gospodin Perić je pitao da li postoji mogućnost da se podrže i ostala preduzeća koja su zadovoljila formalno pravne uslove, zamolio da mu se dostavi podatak o broju tih preduzeća te koliko bi to bilo sredstava.

Amra je dala informaciju da 26 firmi koje su zadovoljavale formalno pravne uslove nisu dobile podsticaj, a to je 78.066,70 KM, na što je gospodin Perić dodao i zamolio Gradonačelnika da se pokušaju iznaći rezervna sredstva i da se sva ova preduzeća podrže. Također je istakao da se u Varešu prošle godine nije osnovalo niti jedno start-up preduzeće, te da Grad Zenica radi fantastičan posao.

Gospodin Senad Pašalić, direktor Agencije ZEDA je izvijestio prisutne o rezultatima Javnog poziva u kojem je učestvovala Agencija u posljednjem periodu, gdje je naveo da je 11 projekata koji se tiču inovativnosti podržano i utrošena su sva sredstva u postojeće firme.

Amra je izvijestila prisutne da je Grad potpisao ugovor s Fondacijom IMPAKT za koji će se iz budžeta izdvojiti 25.000,00 KM za sufinansiranje projekata, dok će IMPAKT izdvojiti također 25.000,00 KM. Kroz proces edukacije će proći svi prijavljeni kandidati, a u konačnici će se podržati 6 preduzeća, sa finansiranjem do 5.000,00 KM.

Gospodin Pašalić je želio istaknuti da je kroz proces edukacije za Javni poziv koji je Grad raspisao obučeno 60 kandidata, te je bila namjera organizovati edukaciju 5 dana, ali zbog pandemije nisu bili u mogućnosti ispoštovati sve zamišljene procedure. Senad Pašalić je kazao da je potrebno da se ljudima otvore oči i ukaže im se na probleme sa kojima će se susretati.

Također je istakao da ZEDA radi na uvođenju nove platforme za edukacije putem koje će svaki edukator moći postaviti edukativni materijal, te bi se ista mogla koristiti u komercijalne svrhe.

Amra Mehmedić je predstavila članovima Privrednog savjeta novi projekat na kome se radi, tj. rekonstrukcija devastirane zgradu u Poslovnoj zoni, gdje će Grad dobiti oko 500.000,00 KM granta a ostala sredstva će biti obezbijeđen iz budžeta Grada, te iz Agencije ZEDA. To bi trebao biti prostor rekonstruisane zgrade od 1.700m² te moderno opremljenih kancelarija, za 35 start-upa. Prostor će se koristiti za otvorenja inovativnih tehnologija, kroz koji bi se podržali mnogi IT događaji.


Ad. 4

Pomoćnica Gradonačelnika Amra Mehmedić je dala informaciju o Javnom pozivu poslovnim bankama za plasman kreditne linije uz subvencionisanje dijela kamatne stope za privredne subjekte koji posluju na području Grada Zenica, da su se prijavile 4 banke i da konkurs trenutno nije okončan ali da je najbolju ponudu dala BBI Banka.

Gospodin Franjić se osvrnuo na rad BBI Banke i pitao da li je moguće da on kao lokalni privrednik zaduži kredit u bilo kojoj banci na području grada, a da mu Grad plati kamatu.

Amra je navela da Grad ne radi po tom principu, a kada bi se to dozvolilo, morala bi se oformiti služba koja bi se samo bavila tim poslovima. Grad raspisuje Javni poziv, bira banku i ograničava istu da mora ispuniti određene kriterije prilikom objave poziva na način da se moraju održati radna mjesta, da se moraju plaćati PIO/MIO, te da postoje određeni kriteriji na koje se dobija marža. Grad ima svoje procedure koja mora poštovati, a Banka ima svoje zakone po kojima mora raditi.

Zaključak

-  ✓ 1. Članovima Privrednog savjeta dostaviti Pregled Kapitalnih investicija Grada Zenica, te Plan prioriternih projekata za 2021. godinu,
2. Razmotriti mogućnost povećanja sredstava u budžetu Grada Zenica za 2021. godinu za podsticaj privredi,
- ✓ 3. Predstavnicima Privrednog savjeta poslati spisak kompanije koje ulaze i izlaze iz Inkubatora.

Ad. 5

Amra Mehmedić se osvrnula na uvodni dio u kojem je Gradonačelnik govorio o potencijalnim JPP-ovima i napomenula da će članovi Privrednog savjeta dobiti Plan prioriternih projekata za 2021. godinu o kojima je on govorio u Uvodnom dijelu sastanka Privrednog savjeta.

Ad. 6.

Pod tačkom razno Amra je zamolila direktora Agencije ZEDA da predstavi projekat razvoja digitalizacije MSP-a u BiH.

Direktor je istaknuo da će se ZEDA osposobljavati kako bi mogla odgovoriti na potrebe firmi. Osnovna tema je Economy Smart City, gdje bi se sve baziralo na digitalizaciji održivom razvoju, zelenoj ekonomiji itd. Grad Zenica i Agencija ZEDA su aplicirali na javni poziv projekta EU4Business koji sprovodi Međunarodna organizacija rada i to je nešto što se tiče kreiranja novih radnih mjesta, dokvalifikacije i prekvalifikacije radnika od ovlaštenih institucija, pri čemu se misli na srednje škole. ZEDA već određeno vrijeme anketira srednje škole, ima tematske sastanke sa biroom za zapošljavanje gdje se mora ispoštovati forma partnerstva da bi se poziv zadovoljio. Koncept projekta se mora predati do 30.6. a ideja ZEDA-e je da se udovolji potrebama privrede sa radnom snagom, a da se zadovolje prekvalifikacije i dokvalifikacije kadrova. Anketa koja je napravljena sa 40 zeničkih eminentnih privrednika je bila očekivana i dobijena je potvrda i odabrane su 2 škole a projekat bi trebao trajati 21 mjesec. Ideja je da Grad bude nosilac projekta i da se napravi vid lokalnog partnerstva, da se napravi akcioni plan zapošljavanja kroz projekat a da se ujedno održavaju sastanci za lokalnim privrednicima, gdje bi se 15 grantova dodijelilo za start upe a zaposlilo bi se oko 35 ljudi. Naredni korak je potvrda lokalnih firmi, zajedničko potpisivanje Sporazuma te predaja koncepta. Naredne sedmice je planiran sastanak sa mogućim potpisnicima Sporazuma gdje će se precizirati potrebe tržišta, odnosno deficiranih zanimanja.

Gospodin Begić, predstavnik kompanije Almy izrazio je nezadovoljstvo o radu na crno, neprijavljenim radnicima, te zamolio da se traži zajedničko rješenje za ovaj problem.

Gradonačelnik je rekao da prijava radnika i rad na crno nije u nadležnosti Grada nego Porezne uprave FBiH, ali da se Grad može medijski oglasiti.

Vladimir Franjić se osvrnuo na izgradnju hidrocentrale Janjići i izrazio nezadovoljstvo za isto. Gradonačelnik je rekao da on radi u svojstvu svih građana i da mora balansirati između svih, te da mora zaštititi budžet grada i građane Zenice.

Sastanak Privrednog savjeta je završio s radom u 15:25 sati.

Predsjedavajući Privrednog savjeta
Gradonačelnik


Fuad Kasumović

Zapisnik sačinila:

Maša Škrbić



